

AKTA KERAJAAN TEMPATAN 1976

UNDANG-UNDANG KECIL PELESENAN ANJING

(MAJLIS DAERAH MARAN) 1993

AKTA KERAJAAN TEMPATAN 1976

UNDANG-UNDANG KECIL PELESENAN ANJING
(MAJLIS DAERAH MARAN) 1993

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976, Majlis Daerah Maran membuat, dan menurut seksyen 103 Akta tersebut Pihakberkuasa Negeri mengesahkan, undang-undang kecil berikut:

Akta 171.

1. Undang-undang Kecil ini bolehlah dinamakan Undang-undang Kecil Pelesenan Anjing (Majlis Daerah Maran) 1993 dan hendaklah mula berkuatkuasa pada tarikh ia diisytiharkan dalam Warta.

Nama dan mula berkuatkuasa.

2. Dalam Undang-undang Kecil ini, melainkan jika konteksnya menghendaki makna yang lain-

Takrif.

"dokter veterinar" ertinya doktor veterinar sebagaimana yang ditakrifkan dalam seksyen 2 Akta Doktor Veterinar 1974;

Akta 147.

"lencana logam" ertinya lencana logam seperti yang tersebut dalam undang-undang kecil 4(2)(b);

"Majlis" ertinya Majlis Daerah Maran;

"pemunya" berhubungan dengan anjing ertinya orang yang memiliki, menjaga atau mengawal anjing itu, tetapi jika sekiranya timbu; keraguan mengenai keempunyaan seseekor anjing, pemunya atau penduduk premis yang sering didatangi oleh anjing itu atau orang yang sering memberi makan anjing itu hendaklah disifatkan sebagai pemunya sehingga dibuktikan sebaliknya oleh pemunya, penduduk atau orang itu.

3. (1) Tiada seorangpun boleh memiliki, menyimpan, melindungi atau menyenggara seseekor anjing yang telah mencapai umur tiga bulan melainkan anjing itu telah dilesenkan di bawah Undang-undang Kecil ini.

Pelesenan

(2) Sesuatu lesen hendaklah habis tempoh pada 31 haribulan Disember pada tahun lesen itu dikeluarkan.

4. (1) Sesuatu permohonan untuk mendapatkan lesen hendaklah dibuat dalam borang sebagaimana yang diperuntukan oleh Majlis dan hendaklah disertakan dengan fee lesen sebanyak tiga puluh ringgit.

Prosedur pelesenan.

(2) Selepas menerima sesuatu permohonan dan fee lesen, pegawai pelesenan hendaklah -

- (a) mendaftarkan anjing itu dengan menyebabkan suatu catatan dibuat dalam daftar yang disimpan bagi maksud itu mengenai perihal anjing dan nama serta alamat pemunya;
- (b) mengeluarkan kepada pemunya anjing itu suatu lesen dalam bentuk lencana logam yang sesuai yang mempunyai nombor siri yang sama dengan nombor pendaftaran anjing itu; dan
- (c) mengeluarkan kepada pemunya anjing itu suatu resit bagi fee yang dibayar, mengandungi perihal anjing itu dan tandatangan pegawai pelesenan.

5. Jika terdapat pertukaran keempunyaan seseekor anjing berlesen, pemunya yang baru hendaklah, dalam tempoh sebulan dari itu, memberitahu pegawai pelesenan mengenai pertukaran itu, dan pegawai pelesenan hendaklah mendaftarkan nama serta alamat pemunya baru itu dengan percuma.

Pertukaran keempunyaan anjing berlesen.

6. Tiada penggantian boleh dikeluarkan bagi lencana logam yang hilang, tetapi pemunya anjing berkenaan boleh mendapatkan suatu lesen baru atas permohonan dan pembayaran fee sebanyak tiga puluh ringgit.

Kehilangan lencana logam.

7. Pemunya anjing berlesen hendaklah mengadakan kolar yang sesuai untuk dipakai oleh anjing itu yang padanya lencana logam yang sah pada masa itu hendaklah dipasang dengan kukuh mengikut apa-apa cara yang membolehkannya dilihat apabila kolar itu dipakai oleh anjing itu.

Memakai kolar anjing dan lencana logam.

8. Pemunya anjing hendaklah -

Anjing berpenyakit.

- (a) jika anjing itu berpenyakit, mengambil langkah seberapa segera yang boleh untuk membolehkan anjing itu diperiksa dan dirawat oleh seorang doktor veterinar dan tidak boleh membenarkan anjing itu disimpan di premisnya melainkan jika anjing itu telah diperiksa dan berada di bawah rawatan seorang doktor veterinar;

- (b) menyanggara rumah anjing di luar premisnya di mana anjing ditempatkan dalam keadaan suci dan bersih;
- (c) membuang dari premisnya apa-apa bahan najis daripada anjing itu, dan berbuat begitu mengikut atau dengan apa-apa cara yang tidak mungkin akan menyebabkan kemarahan atau kesusahan kepada orang-orang lain;
- (d) mengambil langkah-langkah yang perlu untuk memastikan bahawa anjing itu tidak mengganggu jiran-jirannya disebabkan oleh salakan yang tidak berhenti-henti atau selainnya;
- (e) mengambil langkah yang perlu untuk memastikan bahawa anjing itu tidak merayau di luar kawasan premis pemunya dan bahawa anjing itu berikat apabila dibawa keluar daripada premis pemunya; dan
- (f) mengambil langkah yang ketat untuk memastikan bahawa anjing itu tidak dibawa ke mana-mana tepian pantai, laut atau kolam renang untuk bermandi-manda atau ke mana-mana tempat mandi awam.

9. (1) Mana-mana anjing yang berumur lebih daripada tiga bulan yang dijumpai lepas bebas atau dijumpai di tempat awam dengan tidak memakai lencana logam yang sah pada masa itu dan mana-mana anjing berpenyakit yang tidak berada di bawah rawatan doktor veterinar boleh dibinasakan oleh mana-mana orang yang diberikuasa bagi maksud itu

Pembinasaan.

oleh Majlis dan mana-mana orang yang diberikuasa sedemikian boleh pada bila-bila masa memasuki mana-mana tanah atau premis, selain daripada rumah, tempat tinggal, bagi maksud mencari, mendapatkan, merampas, atau membinasakan anjing itu.

(2) Mana-mana anjing, sama ada berlesen atau tidak, yang pemunyaanya tidak ditemui, boleh dibinasakan atau selainnya dilupuskan sebagaimana yang diarahkan oleh Majlis atau mana-mana orang yang diberikuasa bagi maksud itu oleh Majlis.

10. (1) Pemunya harta yang mempunyai kawasan 929 meter persegi atau kurang tidak boleh menyimpan atau membenarkan disimpan lebih daripada dua ekor anjing di atas hartanya, dan jika kawasan itu lebih daripada 929 meter persegi, hadnya ialah empat ekor anjing melainkan jika selainnya diluluskan oleh Majlis dalam mana-mana kes tertentu.

Bilangan anjing yang dibenarkan.

$< 929 \text{ m}^2 = x > 2 \text{ ekor}$
 $> 929 \text{ m}^2 = x > 4 \text{ ekor}$

(2) Tiada anjing boleh disimpan lebih tinggi daripada tingkat bawah mana-mana bangunan.

11. (1) Tiada seorangpun boleh menggunakan mana-mana bangunan, premis atau pegangan untuk menyimpan anjing untuk pembiakan bagi maksud perdagangan atau sebagai rumah anjing veterinar atau klinik melainkan jika dilesenkan oleh Majlis bagi maksud itu.


Pelesenan tempat-tempat di mana anjing disimpan bagi maksud perdagangan.

(2) Suatu permohonan untuk mendapatkan lesen di bawah perenggan (1) hendaklah dibuat dalam borang sebagaimana yang diperuntukan oleh Majlis dan hendaklah disertakan dengan fee lesen yang akan ditetapkan oleh Majlis dari semasa ke semasa.

12. Tiap-tiap orang yang melanggar mana-mana peruntukan Undang-undang Kecil ini adalah melakukan suatu kesalahan dan apabila disabitkan boleh dikenakan denda tidak lebih daripada lima ratus ringgit atau dihukum penjara tidak lebih daripada enam bulan atau denda dan penjara itu keduanya sekali.

Penalti.

Diperbuat pada 28 haribulan Julai 1993
(MDM/LAW/001)



.....
(HUSIN BIN HAJI MOHD DIAH)
Yang Dipertua,
Majlis Daerah Maran.

Disahkan pada haribulan 1993
(SUK.PHG.(KT) 5488)

.....
(MOHAMAD NOOR BIN ABDUL RANI)
Setiausaha,
Majlis Mesyuarat Kerajaan
Pahang.